

INTI PATI HASIL KAJIAN PENGESANAN GRADUAN 2015

1.1 Profil Graduan 2015

- 1.1.1 Sebanyak 387 IPT telah menyertai Kajian Pengesanan Graduan KPT pada tahun 2015 dengan bilangan graduan yang dikeluarkan adalah seramai 273,373 orang. Universiti awam mengeluarkan seramai 123,639 graduan, diikuti IPTS seramai 115,397 graduan, politeknik (25,492 graduan), kolej komuniti (6,477 graduan) dan IPT lain seramai 2,368 graduan.
- 1.1.2 Keluaran 2015 mengikut peringkat pengajian menunjukkan graduan peringkat ijazah pertama mencatat peratus tertinggi, iaitu 44.9 peratus, diikuti peringkat diploma sebanyak 41.5 peratus, sarjana (7.8 peratus) dan sijil sebanyak 3.7 peratus.
- 1.1.3 Sebahagian besar graduan 2015 adalah dalam bidang sastera dan sains sosial, iaitu sebanyak 45.4 peratus, diikuti bidang teknik (20.9 peratus), bidang sains (13.1 peratus), bidang pendidikan (12.4 peratus) dan bidang teknologi maklumat dan komunikasi sebanyak 8.3 peratus.
- 1.1.4 Graduan lelaki mencatatkan peratus yang tinggi dalam dua bidang pengajian utama, iaitu 67.2 peratus dalam bidang teknik dan 55.3 peratus bagi bidang teknologi maklumat dan komunikasi.
- 1.1.5 Graduan antarabangsa mewakili 5.2 peratus dari keseluruhan graduan yang dikeluarkan pada tahun 2015, iaitu seramai 14,184 orang. Daripada jumlah ini, 5,545 adalah graduan UA dan 8,639 adalah graduan IPTS. Sebahagian besar graduan antarabangsa bagi universiti awam adalah di peringkat sarjana, iaitu 46.6 peratus, 31.5 peratus di peringkat Ph.D dan 21.9 peratus lagi di peringkat ijazah pertama. Bagi IPTS pula, sebanyak 64.6 peratus graduan antarabangsa adalah lulusan ijazah pertama, diikuti 20.9 peratus di peringkat sarjana, dan 10.2 peratus di peringkat diploma dan 2.4 peratus di peringkat Ph.D.

1.2 Status Pekerjaan Graduan (Warganegara) 2015

- 1.2.1 Secara keseluruhan, sebanyak 53.0 peratus graduan menyatakan mereka telah bekerja sempena dengan majlis konvokesyen masing-masing. Manakala 17.5 peratus menyatakan mereka sedang melanjutkan pengajian ke peringkat yang lebih tinggi, 4.0 peratus pula sedang menunggu penempatan pekerjaan dan 1.6 peratus lagi sedang meningkatkan kemahiran. Selebihnya, iaitu 23.9 peratus masih belum bekerja semasa kajian ini dijalankan.
- 1.2.2 Graduan kolej komuniti mencatatkan kadar bekerja paling tinggi, iaitu sebanyak 72.7 peratus, diikuti oleh graduan politeknik (62.1 peratus), universiti awam (51.8 peratus), IPTS (50.9 peratus) dan IPT lain sebanyak 48.6 peratus.

- 1.2.3 Mengikut peringkat pengajian, peratus tertinggi yang bekerja adalah dalam kalangan graduan peringkat Ph.D, iaitu 84.9 peratus, diikuti graduan peringkat sarjana sebanyak 76.0 peratus, graduan peringkat diploma lepasan ijazah (75.6 peratus) dan peringkat diploma lanjutan (74.8 peratus).

1.3 Maklumat Pekerjaan Graduan 2015

- 1.3.1 Sebanyak 59.1 peratus graduan yang bekerja menyatakan pekerjaan mereka bertaraf tetap, diikuti sementara (18.1 peratus) dan taraf kontrak (17.3 peratus). Selebihnya ialah bekerja sendiri dan bekerja dengan keluarga, iaitu masing-masing 2.8 peratus dan 2.6 peratus.
- 1.3.2 Sebahagian besar graduan 2015 bekerja dalam kumpulan profesional, iaitu sebanyak 49.1 peratus, diikuti kumpulan pekerja sokongan perkeranian (16.0 peratus), pekerja perkhidmatan dan jualan (12.3 peratus) dan kumpulan juruteknik dan profesional bersekutu sebanyak 8.4 peratus.
- 1.3.3 Sektor swasta merupakan pembekal utama pekerjaan kepada graduan 2015, iaitu sebanyak 57.0 peratus dengan swasta tempatan membekalkan sebanyak 40.8 peratus dan swasta multinasional sebanyak 16.2 peratus. Sektor kerajaan merupakan pembekal kedua terbesar iaitu sebanyak 27.7 peratus.
- 1.3.4 Pendapatan bulanan graduan 2015 mengikut peringkat pengajian menunjukkan graduan peringkat Ph.D mencatat peratus tertinggi (70.6 peratus) dalam kumpulan pendapatan RM5001 dan ke atas. Bagi graduan sarjana dan ijazah pertama, kelompok terbesar dalam kumpulan RM3001 – RM5000, iaitu masing-masing 41.2 peratus dan 27.3 peratus. Bagi peringkat diploma, kumpulan terbesar, iaitu sebanyak 36.8 peratus graduan berada dalam kumpulan pendapatan RM1001 – RM1500.

1.4 Graduan 2015 yang Melanjutkan Pengajian

- 1.4.1 Sebanyak 21.7 peratus graduan 2015 melanjutkan pengajian sejurus tamat pengajian, majoritinya melanjutkan pengajian ke satu tahap yang lebih tinggi. Bagi graduan sarjana, sebanyak 87.3 peratus melanjutkan pengajian ke peringkat Ph.D. Sebahagian besar graduan ijazah pertama pula, iaitu 73.3 peratus melanjutkan pengajian ke peringkat sarjana dan sebanyak 88.2 graduan diploma melanjutkan pengajian ke peringkat ijazah pertama. Manakala sebanyak 76.4 peratus graduan sijil melanjutkan pengajian ke peringkat diploma.
- 1.4.2 Majoriti (94.3 peratus) graduan UA melanjutkan pengajian semula ke UA, 73.5 peratus graduan IPTS melanjutkan pengajian ke IPTS manakala 65.6 peratus graduan politeknik pula memilih UA sebagai destinasi untuk melanjutkan pengajian.
- 1.4.3 Sebahagian besar, iaitu 84.6 peratus graduan 2015 menyatakan mereka melanjutkan pengajian dalam bidang yang sama dengan bidang pengajian sebelumnya.



- 1.4.4 Sebab utama graduan 2015 melanjutkan pengajian adalah untuk meningkatkan tahap kelayakan akademik, iaitu 34.2 peratus, diikuti prospek kerjaya yang lebih baik (20.1 peratus), minat yang mendalam bagi mencari ilmu (19.0 peratus) dan sebanyak 16.9 peratus bagi meningkatkan peluang mendapat pekerjaan.

1.5 Maklumat Graduan 2015 (Warganegara) yang Belum Bekerja

- 1.5.1 Sebanyak 73.4 peratus daripada graduan yang belum bekerja memberi alasan mereka sedang mencari pekerjaan, 7.2 peratus graduan memilih untuk berehat setelah tamat pengajian dan 5.9 peratus pula sedang menunggu penempatan bagi melanjutkan pengajian. Selebihnya memberi pelbagai sebab seperti memikul tanggungjawab terhadap keluarga (4.6 peratus), kerja yang ditawarkan tidak sesuai (2.8 peratus) dan memilih untuk tidak bekerja sebanyak 1.3 peratus.
- 1.5.2 Kadar belum bekerja mengikut bidang pengajian utama menunjukkan, bidang sains mencatat peratus tertinggi, iaitu 27.7 peratus, diikuti bidang sastera dan sains sosial (26.7 peratus), bidang teknik (23.6 peratus) dan bidang teknologi maklumat dan komunikasi sebanyak 23.3 peratus.

1.6 Graduan 2015 yang Bekerja Sendiri

- 1.6.1 Seramai 3,425 graduan 2015 menyatakan mereka bekerja sendiri, iaitu mewakili 2.8 peratus daripada jumlah graduan yang menyatakan bekerja. Mengikut IPT, graduan kolej komuniti mencatat kadar bekerja sendiri yang tertinggi, iaitu 8.2 peratus, diikuti graduan IPT lain sebanyak 4.9 peratus, 3.7 peratus graduan politeknik, 2.6 peratus graduan IPTS dan 2.3 peratus dalam kalangan graduan UA yang bekerja sendiri.
- 1.6.2 Empat jenis perniagaan utama yang diceburi oleh graduan yang bekerja sendiri ialah perniagaan atas talian (e-business/online), iaitu sebanyak 12.1 peratus, 8.0 peratus perniagaan restoran/warung, perniagaan percetakan/pengiklanan/grafik (6.8 peratus) dan pendidikan sebanyak 6.7 peratus.
- 1.6.3 Sebahagian besar graduan yang bekerja sendiri memperoleh pendapatan bulanan RM1000 dan ke bawah, iaitu 50.6 peratus. Sebanyak 22.0 peratus graduan yang menceburi bidang pembangun sistem/perisian memperoleh pendapatan bulanan RM5001 dan ke atas.

1.7 Graduan OKU 2015; Keluaran dan Maklumat Pekerjaan

- 1.7.1 Seramai 616 graduan berstatus Orang Kurang Upaya (OKU) telah berjaya menamatkan pengajian pada tahun 2015. Daripada jumlah ini, universiti awam merupakan pengeluar terbesar, iaitu sebanyak 42.2 peratus, diikuti IPTS (32.8 peratus) dan politeknik sebanyak 15.3 peratus.
- 1.7.2 Dua peringkat pengajian tertinggi graduan OKU ialah peringkat ijazah pertama dan diploma, iaitu masing-masing sebanyak 37.3 peratus dan 31.3 peratus.

- 1.7.3 Sebahagian besar graduan OKU, iaitu 44.0 peratus mengalami kecacatan anggota fizikal, diikuti 21.6 peratus cacat pendengaran dan 19.3 peratus cacat penglihatan.
- 1.7.4 Dalam kalangan graduan OKU tersebut, sebanyak 51.6 peratus telah bekerja semasa menghadiri konvokesyen mereka. Terdapat juga graduan OKU yang melanjutkan pengajian, iaitu 17.6 peratus dan sebanyak 26.7 peratus masih belum bekerja.
- 1.7.5 Peratus graduan OKU yang bekerja dalam sektor swasta adalah tinggi, iaitu 55.9 peratus, diikuti 24.3 peratus bekerja di sektor kerajaan dan 8.7 peratus dalam perusahaan sendiri.
- 1.7.6 Secara keseluruhannya, peratus tertinggi pendapatan bulanan graduan OKU adalah dalam kohort RM1000 dan ke bawah, iaitu sebanyak 33.1 peratus.

1.8 Graduan Orang Asli 2015; Keluaran dan Maklumat Pekerjaan

- 1.8.1 Pada tahun 2015, seramai 183 graduan berketurunan Orang Asli dikeluarkan oleh IPT negara. Keluaran universiti awam adalah seramai 116 orang, diikuti IPTS seramai 42 orang, politeknik (14 orang) dan kolej komuniti seramai 11 orang. Dua kumpulan terbesar graduan Orang Asli adalah di peringkat ijazah pertama, iaitu seramai 82 orang dan peringkat diploma seramai 79 orang.
- 1.8.2 Sebanyak 56.6 peratus graduan Orang Asli telah mendapat pekerjaan semasa kajian dijalankan, manakala 17.9 peratus sedang melanjutkan pengajian dan 20.2 peratus lagi belum bekerja.
- 1.8.3 Dalam kalangan graduan keturunan Orang Asli yang bekerja, sebanyak 40.2 peratus bekerja dalam sektor kerajaan, diikuti sektor swasta tempatan sebanyak 33.7 peratus dan sektor perusahaan sendiri sebanyak 10.9 peratus.
- 1.8.4 Sebanyak 29.6 peratus graduan orang Asli memperolehi pendapatan dalam RM1001 – RM2000, diikuti 25.5 peratus dalam kumpulan pendapatan RM3001 – RM5000 dan 22.4 peratus berpendapatan dalam kumpulan RM1000 dan ke bawah.